

# Gij Henmaenh Caeuq Hawjrox Beixnuengx Sihsanghbanjnaz

## 西双版纳人的坚守和启示

□ bonjbauq gicej Vangz Siobyungz Muongz Yengioz Veiz Yizvei



▲ Hai soujgih sawq yawj APP gwzhudonh Sawdaij.

▲ Yi Ganghlungz fucungj-benh (swix ngeih) daiq dou yawj-ngonz Sawdaij vangjan hidungj.

◀ Boux fucujyin Daijbenhbu gaisau Sawdaij sinhvwnz vangjan lanzmoeg.



▲ Sihsanghbanjnaz Bause fucungjbenhciz Yi Ganghlungz gaisau gij lizsij ronghlwenq bauq Sawdaij.



▲ Hai dennauj yawjngonz Sawdaij caijbenh bingzdaiz.



▲ Vunzhong vangjan Sawdaij nyaengq dwkcih loeghaeuj faenzcieng Sawdaij.



▲ Gij gepbaiz bouqdiemq henz gai Ginghungz Si cungj sij miz Daij Gun song cungj saw.

Sihsanghbanjnaz Swicouh, dieg youq gok baihnanz Yinzanz Swngj, baihdoengnam、baihnanz caeuq baih saenamz faenbied caeuq Laujvoh、Menjden bya raemx doxlien, depgyawj Daigoz caeuq Yeznanz. “Sihsanghbanjnaz” hoiz baenz Vahcuengh dwg “cib song cien naz”, eiqsei dwg cibngeih cien gaiq naz, saedcaeq dwg cibngeih giz ranghdieg hingzcwnq beij yienh iq di he. Sihsanghbanjnaz ciuhgeq caemh heuhguh “Mungbahlahnazsah”, eiqsei dwg “gizdieg angqyangz vuenyungz saenzgeiz caiqlj ciqndei”, gij gingj sengcingz ndoengfaex ranghhwnq caeuq fungsug fungcingz saujsu minzcuz riuazmingz daengx biengz, lij riuazcienz miz duzciengh、roeggungjcoz、faexmuenghmbwn doenghgij gojgaeq ndawbiengz ndei dingq haenx. Vihliux lai rox sengjgih minzcuz beixnuengx baenzlawz banh bauq ndei, caeuq bauqceij、vangjan Sawdaij lai doxyau doxrox, cam au gij gingniemh 《Sihsanghbanjnaz Bau》vangjan guh yizdung hulenzvangj APP gwzhudonh haenx, ndwen neix ndawcib, bonjbauq caijfangcuj gungh 3 vunz bae daengz 《Bauq Sawdaij Sihsanghbanjnaz》benhcizbu doxyau hagsib.

《Bauq Sawdaij Sihsanghbanjnaz》youq bi 1957 ndwen 3 ngoenz 4 cauxlaeb, ndawgyang nauh “vwnzgwz” gonqlaeng dingz banh 3 baez, seizneix dwg yungh Sawdaij moq moix aen singgeiz ok geiz doiq hai seiq banj ndeu, cwngfuj caizcwnq moix bi ok ngaenz

20 fanh maenz cawx soengq bauqceij hawj bouxdoeg yawj. Bauq Sawdaij daij laebbanh gvaqdaej, baenzbaenz cungj vih seveicujyi fuzvu, vih beixnuengx minzcuz fuzvu, senhconz ndei fuengcim cwngcwz dangj raeuz, soncienz saenqsik caeuq gohyoz vwnzva cihsiz, vih demgiengz minzcuz doxgiet、henhoh henzguk onjdingh、gyahung doiq rog haicuengq guh le haujai saeh mizik, aeundaej sevei yauqik gig ndei.

Daj bi 1996 hainduj, Sihsanghbanjnaz Bause caeuq Veiz-fangh Bwzda Cinghniuj Vazgvangh Ciuqbaiz Mizhanh Gunghshw doxgap guh Sawdaij bienmax cangsawfuk yenzgiu、Sawdaij comzcih yenzgiu、Sawdaij dwkcih gisuz yenzgiu、Sawdaij baizbanj gisuz yenzgiu doenghgij hong Sawdaij suswva neix; 2008 nienz guhbaenz Sawdaij sinhvwnz vangjan hidungj, bi 2009 ndwen 11 co guhbaenz haidoeng Sawdaij sinhvwnz vangjan “Aenvangj Sawdaij Sihsanghbanjnaz”, faen guh Sawdaij moq caeuq Sawdaij gaeuq song aen vangjan, hawj Sawdaij Sihsanghbanjnaz byaij hwnj diuzroen vaiqriengj saenqsik ndeu, baenzneix couh cauxok le “haj aen daih’it”: Couhwdg Cungguk aenvangj Sawdaij daih’it; Cungguk aen daih’it Sihsanghbanjnaz Sawdaij moq Sawdaij gaeuq sinhvwnz caijbenh hidungj bingzdaiz; Cungguk faenh bauqceij suswva daih’it Sawdaij Sihsanghbanjnaz; Cungguk aen daih’it Sihsanghbanjnaz Sawdaij

vangjloz sibinz bingzdaiz; Cungguk aen daih’it Sihsanghbanjnaz Sawdaij vangjloz swngbinz bingzdaiz. Aen bause neix lij cingjhab yungh ndei Sawdaij gisuz bingzdaiz caeuq Sawgun gisuz bingzdaiz, guh daengz doxdoeng doxlien, saedyienh Sawgun caeuq Sawdaij gisuz bingzdaiz doxcaemh yiengjsouh gij swhyenz de, haifat ok Sawdaij moq、Sawdaij gaeuq caeuq Sawgun soujgih APP gwzhudonh, caemhcaiq youq bi 2014 ndwen 12 ngoenz 12 cingqsik hwnjsienq fatbouh, hawj gyoengq beixnuengx Daijcu ndaej au soujgih ma yawj sinhvwnz hag gohyoz vwnzva cihsiz Sawdaij.

“Banjnaz dou miz haujai beixnuengx, aenranz de mbangj ranzdajcawj aiq youq guetkrog, rugninz cix youq ndaw guet. Gyoengqde couhwdg guetcoj raeuz bouxbingsauq henz gyaiguk, danghnaeuz mbouj miz gyoengqde hengaenj dieggayai henzguk, couh mbouj miz gij an’onj saedcej daengx guet yinzminz; dou dangguh vunzguhbauc henzguk laemxsim caenhrengz banh ndei faenh bauqceij saw minzcuz, hix couhwdg henmaenh henzgyaiq vwnzva guetcoj, yienghneix cij ndaej miz gij ancienz vwnzva yinzminz guetcoj raeuz.” Sihsanghbanjnaz Bause fucungjbenhciz Yi Ganghlungz youh gwnz hoih doxyau naengdamz gaisau gij cingzgvang mizgven bauq Sawdaij seiz cingz naek vah caemq dwk ganginaeuz, caemh hawj dou roxyiuj lailai siengjngeix lailai.